

Radyo an Norvys

(<http://www.dasunys.net/podcast.htm>)

Titel: Nowodhow an seythun (26/02/08)

Awktour: Matthew Clarke

Dydh: 26 Hwevrer 2008

Pesyans: 16:02

A allsa Pons Tamer fyllel awos gosen?

Wel henn yw an pyth a vynn diskudha jynnoryon.

Y fydhons i ow hwithra an kas der igeri an gwivrow-perthi.

Res yw dhedha spena lies seythen yn unn jekkya studh anedha.

Mars yw kevys gosen, res vydh dhedha fyttya gwivrow-perthi nowydh.

An randir-kontrolyla taves-glas re beu ystynnys dhe Gernow.

An Unyas amethek NFU a wovynnas orth an Governans dhe wul yndella may fo bos moy es movya enyvales a-der-dro.

Yth esa kudyn drefen bos an randir gwres y'n sothwest awos bos kevys unn kas yn Dorset.

Byttegyns, or an randir veu settyes war an Tamer... hag a wrug dhe Gernow kepar hag enys.

My a dhallathas keskows der an kesroosweyth an mis ma a-dro dhe selya Kresen Gernewek.

Nans yw eth bledhen warn ugens yth esa kresen rewlys gans Brian Webb ha Loveday Jenkin.

Byttegyns nyns eus neb unn tyller yn Kernow may fo tennys warbarth a'gan yeth ha gonisogeth.

Nans yw nebes blydhynyow, Pol Hodge a assayas usya skol goth yn Fordh Ponsmeur a-vel kresen.

Mes fyllel a wrug an dowlen na...

<clip>

Rygbi lemmyn...

Drogdam bras o dhe'n Para Oll-Du an benseythen yw passyes.

Kelli re wrussens aga le y'n piwas EDF.

Fethys ens gans Nottingham y'n kwarter-finel... unnek-poynt-ha-tri-ugens dhe dri.

Kenedhlek dew... ha Resrudh a waynyas erbynn Blaydon... pypm-poynt-warn-ugens dhe beswardhek.

Nebes keun a wor kyrghes eskisyow, keun erell a jass aga lost... ha nebes a wor gul prattys gokki.

Byttegens... ottomma an ki a Gernow neb a gar sortya an atall rag argylghya.

Dizzy yw diw vloodh hy oos ha trigys yn Tewyn Bleustri.

Hi a wor gorra bottelys, karten ha kannow y'n kystyow ewn.

Hy ferghennek a lever Dizzy dhe dhyski an pratt dhyworth hy ferghennek kys.

Ha nessa seythen yw Gool Peran.

Moy ha moy hwarvosow a hwer bledhen ha bledhen.

Yma kansow a dhyskyblon ow praktisya rag donsya yn Truru, Pensans ha lies le erell.

Yma y'ga mysk Skol Sen Hilari ogas dhe Bensans.

Ottomma an flehes ow kana Rond Peran...

<clip>

Bardh Meur Vanessa Beeman a wra ledya lies hwarvos.

Ottomma hy messaj arbennik...

<clip>

Gorfenna an dowlen a wrav an seythen ma gans diw gan.

Yn kynsa... ottomma Graham Sandercock gans Gwynn ha Du...

<clip>

Ha Skwardya re rekordyas gwershon arbennik a Vro Goth a'gan Tasow...

<clip>